
UPPLÝSINGABÓK NORÐURÁLSMÓTSINS 2016

Twitter: #namak2016

Facebook: Norðurálmót 2016

Instagram: #namak2016

Snapchat: norduralsmotid

HALDIÐ Á AKRANESI

10. - 12. JÚNÍ

VERIÐ VELKOMIN Á NORÐURÁLSMÓTIÐ

Efnisyfirlit

Dagskrá mótsins

Upplýsingar um mótið

Upplýsingar til fjölskyldna

Mótskort af Akranesi

Birt fyrir mót, þriðjudaginn 7.júní:

Tjaldsvæði félaga

Kort af tjaldsvæðum

Gististaðir félaga

Kort af keppnisvöllum

Keppni föstudags

Matseðill mótsins

Matartímar á föstudegi

Myndataka liða á föstudegi

Tenglablað

Birt eftir keppni föstudagsins 10.júní:

Keppni laugardags

Keppni sunnudags

Matartímar á laugardegi

Matartímar á sunnudegi

DAGSKRÁ MÓTSINS

Föstudagur 10.júní

- 08:30 - 11:00 Mæting á gististaði
10:30 - 11:00 Fararstjórafundur í Íþróttamiðstöð
11:00 Mæting í skrudgöngu hjá bæjarskrifstofunum (á móti Krónunni).
11:15 - 11:45 Skrudganga að Akraneshöll
12:00 - 12:30 Mótssetning í Akraneshöll
13:00 - 19:00 Keppni 1.mótsdags.
13:00 - 19:00 Liðsmýndataka (tímasetning breytileg)
17:00 - 20:00 Kvöldverður (tímasetning breytileg)
22:30 - 23:00 Fararstjórafundur í Íþróttamiðstöð

Laugardagur 11.júní

- 07:45 - 09:30 Morgunverður
09:00 - 12:00 Keppni 2.mótsdags - fyrri hluti
11:30 - 14:00 Hádegismatur (tímasetning breytileg)
13:30 - 16:30 Keppni 2.mótsdags - seinni hluti
10:00 - 18:00 Leikjaland Alltaf Gaman opið, sjávarmegin við Akraneshöll
16:45 - 19:30 Kvöldverður (tímasetning breytileg)
19:30 - 20:30 Kvöldskemmtun í Akraneshöll
21:30 - 22:00 Fararstjórafundur í Íþróttamiðstöð
21:30 - 23:00 Foreldrakaffi (í boði foreldra KFÍA) í matsal Íþróttamiðstöðvar, og myndasala

Sunnudagur 12.júní

- 07:45 - 09:30 Morgunverður
09:00 - 11:00 Tæma skólastofur
09:00 - 13:00 Keppni 3.mótsdagsins
10:54 - 13:30 Pylsugrill við Norðurálsvöllinn
Móti lokið

UPPLÝSINGAR UM MÓTIÐ

MIKILVÆGAST

Norðurálmótið er mót fyrir byrjendur og hefur því uppeldislegt gildi. Keppendur eru byrjendur, foreldrar eru margir byrjendur og dómara geta líka verið byrjendur. Við þurfum öll að taka tillit til þess.

Byrjendur þurfa að fá að læra af mistökum. Hjálpumst að, þá gengur allt betur.

Þjálfarar, liðstjórar og foreldrar verða að fylgjast vel með skráningu úrslita á föstudegi. Niðurröðun á keppni laugardagsins og sunnudagsins byggir á úrslitum föstudags. Úrslitin þurfa því að vera rétt skráð.

HUGARFAR

Fótbolti er skemmtun. Þessi skemmtun skiptir okkur öll máli. Það er sérstök ánægja að geta boðið leikmönnum ykkar að leika gegn liðum frá hinum ýmsu stöðum af landinu. Kennið leikmönnum að endurspeglar þessa ánægju í leik og framkomu á Norðurálmótinu, félagi sínu til framdráttar.

Leikmönnum skal kennt að virða ákvörðun dómara án spurninga eða athugasemda. Þetta skal einnig brýna fyrir foreldrum og öðrum aðstandendum liðanna.

Þjálfarar skulu alltaf styðja úrskurði dómara leiksins, hvort sem þeir eru réttir eða rangir. Þjálfarar og foreldrar skulu aldrei efast um hæfni dómarans svo leikmenn heyri til. Dómgæslu er hægt að ræða á kvöldfundum með þjálfurum og mótshöldurum.

Verum stundvís - það skiptir máli fyrir alla.

Foreldrar og stuðningsmenn liða endurspeglar þann anda sem er í hverju félagi. Verum öll okkar félagi til sóma og börnum okkar góðar fyrirmyndir. Við komum fram fyrir hönd okkar félags með stolti og virðingu.

Á Norðurálmótinu gilda ákveðnar reglur í leik og umgengni, sem allir reyna að fylgja. Engu að síður, þá hefur hvert félag rétt til þess að kvarta og gera athugasemdir við framkvæmd mótsins. Ef þú þarft að nota þennan rétt, gerðu það við réttan aðila. Segðu rétt frá, rólega og virtu ákvörðunina, hver svo sem hún er.

MÓTSREGLUR

1. Allir mæta í góðu skapi.
2. Leiktími er 2 x 12 mínútur. Inn á leikvelli eru aldrei fleiri en 7 leikmenn frá hverju liði.
3. Í leikjum er aldrei skráður meiri markamunur en 3 mörk.
4. Séu lið jöfn að stigum, ræður markamunur. Ef markamunur er jafn ræður innbyrðis leikur liðanna. Ef sá leikur er jafn eru þeir hærri sem hafa fengið færri mörk á sig.

UPPLÝSINGAR UM MÓTIÐ

- Sé ennþá jafnt, ræður hlutkesti.
- Þjálfarar skulu ekki færa leikmenn milli liða, nema ekki séu eftir nægir leikmenn til að ná í fullt lið.
 - Dómari hefur rétt til að fara fram á það við þjálfara að leikmaður sé tekinn af velli ef hann gerist sekur um gróft brot. Annar leikmaður kemur inn á í stað hans.
 - Við hliðarlínu skulu ekki aðrir vera staðsettir en varamenn, þjálfari og einn liðsstjóri. Aðrir áhorfendur, foreldrar og iðkendur, skulu vera fjær, nánar tiltekið fyrir aftan endalínu, þó minnst 2 m frá marki.
 - Dómari hefur rétt til að stöðva leikinn og láta klukkuna ganga áfram, telji hann að áhorfendur, þjálfarar eða varamenn brjóti reglur eða séu uppvisir að ósæmilegri hegðun. Til ósæmilegrar hegðunar telst einnig óviðeigandi hróp og köll.
 - Góð umgengni er öllum til sóma - verum liðum okkar til sóma.
 - Á mótinu starfar keppnisráð. Ráðið skipa 3 aðilar, sem ekki koma að stjórn mótsins. Félög geta áfrýjað ákvörðunum mótsstjóra og starfsmanna mótsins sem varða keppnina og úrslit leikja, til keppnisráðs. Ráðið kannar mál og kveður upp endanlegan úrskurð, sem öll félög og mótshaldari skuldbinda sig til að fylgja.

KEPPNISFYRIRKOMULAG

Megin markmið Norðurálmótsins er að strákarnir okkar upplifi knattspyrnu á jákvæðan hátt og komi heim með góðar minningar um skemmtilega daga.

Með fyrirkomulagi mótsins eru eftirfarandi þættir hafðir í fyrirrúmi: Stutt bið er milli leikja hjá hverju liði, leikir eru milli liða sem eru af svipuðum styrkleika, leikgleði og engir úrslitaleikir.

Öllum liðum frá hverju félagi er fyrir upphaf móts skipt niður á 7 flokka (A, B, C, D, E, F, G), hvern með 24 liðum og 1 flokkur H með 6 liðum. Mótshaldari í samráði við þjálfara ákveður þá skiptingu.

Þjálfarinn skipar sjálfur þátttakendum í lið fyrir fyrsta leik og má eftir það ekki færa þátttakendur á milli liða.

Fyrri hluti mótsins fer fram á föstudeginum. Þá er öllum liðum innan hvers flokks (A, B, C, D, E, F, G) skipt tilviljanakennt í 6 riðla með 4 liðum hver, þar sem liðin 4 keppa hvert við annað. Liðin keppa 3 leiki, annað hvort kl. 13:00-16:00 eða kl. 16:00-19:00. Ein umferð í hverjum riðli er leikin samtímis á samliggjandi völlum og einungis er eins leiks bið hjá hverju liði. Niðurstaða föstudagsriðlanna er notuð til að raða í deildir fyrir seinni hlutann.

Seinni hluti mótsins fer fram á laugardegi og sunnudegi. Þá er öllum liðum innan hvers flokks (A, B, C, D, E, F, G) skipt í 4 riðla með 6 liðum hver, og 1 riðill í H flokki, þar sem liðin keppa hvert við annað. Hvert lið keppir því 5 leiki í seinni hlutanum

UPPLÝSINGAR UM MÓTIÐ

Innan hvers flokks (A, B, C, D, E, F, G), lenda öll lið sem vinna sína riðla á föstudegi saman í 6 liða deild. Þau lið sem lenda í öðru sæti á föstudegi lenda öll saman í sex liða deild o.s.frv. Úr þessu verða til 4 deildir með sex liðum innan hvers flokks þar sem svipuð lið eru saman í deild: Íslenska deildin, Enska deildin, Spænska deildin og Þýska deildin.

3 af 5 umferðum deildanna eru leiknar á laugardegi. Annar hópur kl. 9:00-12:00, og hinn hópurinn kl. 13:30-16:30. Síðusta 2 umferðirnar fara fram á sunnudag, kl. 9:00-13:00. Engir úrslitaleikir um sæti fara fram í mótinu og engin verðlaun fyrir keppnisárangur verða veitt.

Keppnisvellir eru á flötinni austur af Akraneshöllinni á Jaðarsbökkum og inni í Akraneshöllinni sjálfri.

VIÐURKENNINGAR

Á mótinu verða úrslit á laugardeginum og sunnudeginum ekki skráð. Þetta er gert til að fylgja eftir megin markmiði Norðurálmótsins, að strákarnir okkar upplifi knattspyrnu á jákvæðan hátt og komi heim með góðar minningar um skemmtilega daga.

Því verða engin verðlaun fyrir árangur og á sunnudeginum verður ekki lokahóf. Þess í stað verður á kvöldvökunni á laugardag happadrætti um boltagjafir til félaga.

FARARSTJÓRAR

Föstudagur er notaður til að skipta liðum eftir getu fyrir keppni á laugardegi og sunnudegi. Úrslitin verða því að vera rétt skráð. Þjálfarar og liðstjórar verða að fylgjast vel með skráningu úrslita á föstudegi og tilkynna strax til mótsnefndar ef skráning úrslita er röng. Úrslit leikja og leikjaskipulag er birt á heimasíðunni og á vefnum <http://nm.kfia.is>

Lið í 1.-2. sæti á föstudegi spila seinni hluta laugardags og undir hádegi á sunnudegi. Liðin í 3.-4. sæti á föstudegi spila fyrripart laugardags og fyrri part sunnudagsmorguns.

Fararstjórafundir verða haldnir í sal á efri hæð Íþróttamiðstöðvarinnar á tíma sem fram kemur í dagskránni. Gengið er inn að sunnanverðu á 2.hæðina frá aðalleikvangi.

Mikilvægt er að allir þátttakendur og liðstjórar í hverju liði mæti saman í mat á skipulögðum tímum. Ekki eru skipulagðar sundferðir, en frítt er í sund fyrir alla á ábyrgð fararstjóra. Myndataka fer fram í sérstöku tjaldi á mótssvæðinu, á ákveðnum tíma sem verður skipulagður.

GREIÐSLUR

Skráningargjald er greitt fyrir hvert lið í febrúar, sem er ekki dregið frá öðrum gjöldum. Með skráningargjaldi hvers liðs fylgir 1 matarpakki fyrir liðsstjóra.

UPPLÝSINGAR UM MÓTIÐ

Þáttökugjald skal greiða fyrir hvern keppanda á Norðurlásmótið. Innifalið í þáttökugjaldi: Gisting í skólastofu í tvær nætur, kvöldverður á föstudag, morgun-, hádegis- og kvöldverður á laugardag, morgunverður og pylsugrill á sunnudag, kvöldskemmtun á laugardagskvöldi og gjöf frá Norðurlá.

Félögin fá frían matarpakka fyrir 1 liðsstjóra með hverju liði sem greitt var fyrir í skráningu. Ef félög óska eftir að fá matarpakka fyrir aðra fylgdarmenn liðanna, þá verður hægt að kaupa matarpakka aukalega í upphafi móts.

Greiðsla á þáttökugjaldi keppenda skal fara fram eigi síðar en 8 dögum fyrir mótssætningu, þ.e. **fimmtudaginn 2.júní**. Sé gjaldið ekki greitt tímanlega, getur verið hætt á að félagið missi sæti fyrir einhver lið yfir til annars félags sem er á biðlista. Hvert félag skal greiða fyrir alla keppendur sína í einni greiðslu. Í sömu greiðslu má greiða fyrir matarpakka fyrir þjálfara, viðbótar liðsstjóra og aðra fylgdarmenn, sem félögin óska eftir. Nota skal sérstakt greiðslublað sem sent er á tengiliði félaganna.

Afhending þáttökugagna og greiddra matarmiða verður til 1 fulltrúa frá hverju félagi og fer fram í sal á efri hæð Íþróttamiðstöðvarinnar á föstudegi milli kl. 10:30 og 12:00.

GISTING KEPPENDA

Gisting keppenda er í skólum bæjarins: Grundaskóla, í Brekkubæjarskóla við Vesturgötu eða í Fjölbrautaskólanum við Vogabraut. Skipulag gistingar er birt á netinu stuttu fyrir mót. Undanfarin ár hefur færst í vöxt að yngstu keppendur gisti með foreldrum en ekki í skólunum. Mikilvægt er að fá að vita viku fyrir mót hversu margir keppendur frá hverju félagi verða í gistingu í skóla, til að nýta húsnæðið sem best.

Hvert félag fær úthlutað ákveðnum fjölda kennslustofa eftir þáttökufjölda keppenda og skal sjá um að skipta liðunum sínu í stofurnar. Mjög gott er að lið komi sér fyrir á gististöðum áður en skruðgangann hefst, því keppni hefst strax að henni lokinni. Gististaðir opna kl. 8:30 á föstudegi.

Gistireglur gera ráð fyrir að ró sé komin á gististaði fyrir kl. 22 öll kvöld. Vakt er skipulögð í öllum skólum allan sólarhringinn.

Í lok móts skal ganga snyrtilega frá gististaðnum fyrir kl. 11 á sunnudag. Félögin skulu gefa upp einn aðila á mótinu sem er tengiliður félagsins vegna gistingar og er hann ábyrgur fyrir að gististaðir séu frágengnir á réttum tíma.

STRÆTÓ

Strætó gengur á hálf tíma fresti milli mótssvæðis og gististaða í Brekkubæjarskóla og Fjölbrautaskóla á mótstíma og fram eftir kvöldi eftir þörfum. Frítt er í strætó allt mótið fyrir alla mótsgesti, en þátttakendur hafa forgang.

UPPLÝSINGAR UM MÓTIÐ

Við hvetjum alla til að nota strætóinn því bílastæðin okkar rúma ekki allan þennan fjölda.

MATUR OG MATSALIR

Morgunverður er framreiddur í sal Brekkubæjarskóla fyrir dvalargesti í þeim skóla, en aðrir fá morgunverð í matsal Íþróttamiðstöðvar. Lið hafa frjálstan tíma í morgunverð, en mælt er til að lið sem keppa seinna um daginn mæti seinna í morgunverðinn. Tímasetning morgunverðar kemur fram í dagskrá mótsins

Liðum er úthlutaður sérstakur matmálstími fyrir hádegis- og kvöldmat og kemur sá tími fram í endanlegri handbók. Matartímum laugardags og sunnudags verður raðað eftir niðurstöðum föstudagsins. Matur fyrir öll lið er framreiddur í íþróttasal Íþróttamiðstöðvar. Gengið er inn í íþróttasalinn að vestanverðu, þar sem tekið er við matarmiðum. Einungis liðstjórar og aðrir með matarmiða fá aðgang að salnum með liði sínu. Vinsamlegast látið vita tímanlega ef ykkar lið ætlar ekki að mæta til skipulagðrar máltíðar.

MATSEÐILL

Matseðill mótsins er birtur í handbókinni. Þátttakendur sem hafa mataróþol, geta látið vita með því að senda póst með upplýsingum um einstakling og félag þess á netfangið matur@kfia.is. Sendandi fær upplýsingar til baka um innihald matarins og ráðstafanir sem hægt er að gera á mótinu.

SUND

Frítt er fyrir alla í sund í Jaðarsbakkalaug á föstudegi frá kl. 13:00-21:00, á laugardegi frá kl. 08:30-20:00 og á sunnudegi frá kl. 08:30-12:00 í boði Akraneskaupstaðar. Vinsamlegast kynnið ykkur Reglugerð um hollustuhætti á sund- og baðstöðum nr. [814/2010](#) er varðar sundferðir barna þar sem segir að börnum yngri en 10 ára er óheimill aðgangur að sund- og baðstöðum nema í fylgd með syndum einstaklingi 15 ára eða eldri. Ekki skal leyfa viðkomandi að hafa fleiri en tvö börn með sér, nema um sé að ræða foreldri eða forráðamann barna. Athugið að ábyrgð á börnum í sundlauginni er alfarið í höndum foreldra og fararstjóra.

STURTA

Fyrir foreldra, liðstjóra og aðra gesti verður hægt að komast frítt í sturtu í íþróttahúsinu við Vesturgötu á laugardag kl. 17-19.

LÍÐSMYND

Mótshaldarar sjá um að taka liðsmýnd af öllum liðum, á ákveðnum tíma á föstudeginum í sérstöku myndatjaldi á mótssvæðinu. Upplýsingar um myndatökutíma eru birtar í

UPPLÝSINGAR UM MÓTIÐ

handbókinni. Myndirnar verða til sýnis og sölu í myndatjaldinu á laugardegi og einnig í foreldrakaffinu um kvöldið.

ÓSKILAMUNIR

Allir óskilamunir verða settir í matsal Íþróttamiðstöðvar á meðan á móti stendur. Eftir mót er hægt að hafa samband við skrifstofu KFÍA varðandi óskilamuni.

VELKOMIN Á NORÐURÁL SMÓTIÐ 2016 !

UPPLÝSINGAR TIL FJÖLSKYLDNA

TJALDSTÆÐI

Tjaldstæði mótsins fyrir fjölskyldur keppenda er á grasflötum við Byggðasafnið og í nágrenni þess, við Leynisbraut og nálægt Garðalundi. Svæðinu er skipt í 5 hluta: Kúttersflöt, Garðaflöt, Safnaflöt, Hótelflöt og Formannaflöt. Félögum er úthlutað svæði á ákveðinni flöt, og svæði hvers félags er merkt fyrir opnun svæðisins.

Tjaldstæðið verður opnað kl. 19 fimmtudaginn 9.júní. Þarna er sett upp snyrtiaðstaða í gámum, kamrar og útipvottaðstaða, ásamt ruslagámum. **Ekkert rafmagn er á tjaldsvæðinu.**

Gistigjald á tjaldsvæði mótsins er **5.000 kr.** á hvern ferðavagn (tjald/hjólhýsi/fellihýsi o.fl.) fyrir alla mótshelgina.

Ekki er heimilt að tjalda á lóðinni við Grundaskóla eða öðrum lóðum í nágrenninu. Veitingasala næst tjaldsvæðinu er í Safnaskálanum við Byggðasafnið, og í Golfskálanum á golfvellinum.

Vinsamleg tilmæli eru að gestir á tjaldsvæði virði almennar umgengnisreglur og njóti þess að eyða helginni í faðmi fjölskyldunnar og fylgjast með keppni barna sinna án neyslu áfengis.

Vakin er sérstök athygli á að bátar og aðrir safnmunir utan við Byggðasafnið og kirkjugarðurinn eru ekki leiksvæði og foreldrum er bent á að koma í veg fyrir leik barna sinna þar.

Opinbert tjaldstæði Akranesbæjar með allri þjónustu er staðsett vestan til í bænum, rétt hjá bensínstöðinni Olís, sjá upplýsingar á www.tjalda.is.

HUNDAHALLD

Leyfilegt er að vera með hunda á tjaldstæði mótsins. Þeir verða að vera í bandi allan tímann og hegðun sé þannig að þeir trufla ekki aðra tjaldgesti. Auðvitað þrifa eigendur alltaf eftir hundana sína.

Í samræmi við reglur bæjarins (reglugerð 782/2010) er **ekki** leyfilegt að hafa hunda á keppnissvæðinu, ekki í Akraneshöllinni, á Langasandi eða í Garðalundi, hvorki í bandi né í fanginu. Þá mega hundar ekki koma inn í húsnæði mótsins, gisti- eða matarstaði.

MATSALA

Í boði er að kaupa matarpakka mótsins sem innifelur morgunverð (2x), hádegisverð (1x), kvöldverð (2x) og pylsugrill (1x). Matarpakkinn kostar 6.000 kr. fyrir fullorðna og 4.000 kr. fyrir börn (undir 18 ára). Þessi matur er í boði í matsal Íþróttamiðstöðvar, á auglýstum tímum.

UPPLÝSINGAR TIL FJÖLSKYLDNA

Einnig er hægt að kaupa miða fyrir staka máltíð: Fullorðnir: Hádegis- eða kvöldmatur kr. 1.500 og morgunmatur kr. 800. Börn: Hádegis- eða kvöldmatur kr. 1.000 og morgunmatur kr. 800. Miðar og pakkar verða seldir við inngang í matsal Íþróttamiðstöðvar.

Pylsugrill er haldið við aðalkeppnisvöllinn á sunnudeginum kl. 11:00-13:30 fyrir alla þátttakendur. Foreldrar og aðstandendur eru velkomnir og geta keypt miða í grillið á kr. 700.

Kaffi- og veitingasala fyrir áhorfendur á keppnistíma er í Akraneshöll, söluvagni Dominos og í veitingatjaldi á miðju keppnissvæðinu.

FORELDRAKAFFI

Foreldrar allra karla- og kvennaflokka ÍA sameinast um að bjóða öllum foreldrum þátttakenda til kökuveislu á laugardagskvöldið kl. 21:30-23:00. Foreldrakaffið er í matsal Íþróttamiðstöðvar og aðgangur er ókeypis.

Foreldrakaffi er eingöngu fyrir foreldra þátttakenda (ekki fyrir börn)!

KEPPNIS- OG LIÐSMYNDIR

Í myndatjaldi á mótssvæði verða myndir frá keppni föstudagsins boðnar til sölu á 1.500 kr laugardag og sunnudag. Þar verða einnig til sölu liðsmyndir af hverju liði, sem teknar hafa verið sérstaklega á föstudeginum. Í foreldrakaffinu verða þessar myndir einnig til sölu.

Á laugardegi og sunnudegi verður í myndatjaldi hægt að fá teknar einstaklingsmyndir á vegum Sporthero með sérvöldum bakgrunni.

BÍLASTÆÐI

Bílastæði eru við Íþróttamiðstöðina, austan við sundlaugina, við Innesveg, nálægt tjaldsvæðum og á öðrum merktum svæðum. Ekki er heimilt að leggja bílum á grasið við keppnisvelli, á gangbrautir, eða göngustíga. Notið frían strætó eða gangið um svæðið. Munið að leggja alls ekki þar sem merkt er stoppistöð strætó eða afmarkað fyrir mótshaldara.

Bílar sem lagt er ólöglega á gönguleiðir og gangstíga, verða sektaðir af lögreglu og hugsanlega fjarlægðir.

UMGENGNI

Keppnissvæði, matsalir og gististaðir þátttakenda eru algjörlega tóbakslaus. Foreldrar eru vinsamlegast beðnir um að virða það.

UPPLÝSINGAR TIL FJÖLSKYLDNA

Ruslagámar og tunnur eru stutt frá á öllu keppnissvæðinu og á tjaldsvæðinu. Keppendur og áhorfendur eru félögum sínum til sóma með góðri umgengni.

UPPLÝSINGAR

Í vikunni fyrir mót verða upplýsingar um mótið, s.s. kort, skipulag, dagskrá, tímasetningar og úrslit, er birt á vefnum: **nm.kfia.is** og á heimasíðunni: **www.kfia.is/norduralsmot**. Þarna verða einnig birt úrslit föstudagsins og leikskipulag laugardags og sunnudag. Þessar upplýsingar eru uppfærðar eftir þörfum til loka mótsins.

Myndir og fréttir af mótinu um helgina settar inn á síðu mótsins á Facebook.

Mótið er komið með Twitter og Instagram merkið **#namak2016**.

VELKOMIN Á NORÐURÁL SMÓTIÐ 2016 !

Mótskort af Akranesi



SKÝRINGAR

Gististaðir:

- B** Brekkubæjarskóli
- G** Grundaskóli
- F** Fjölbautarskóli

Keppnisvellir:

- Í** Íþróttamiðstöð
- V** Keppnisvellir

Tjaldsvæði:

- T** Tjaldsvæði mótsins
- O** Tjaldsvæði bæjarins